



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKI NAČELNIK**

Broj: 02-11-1-292 /25

Datum: 13.02.2025. godine

Na osnovu člana 42. Statuta Općine Olovo ("Službeni glasnik Općine Olovo", broj: 2/07, 4/08, 7/18 I 8/19) člana 3. Pravilnika o načinu odabira projekata nevladinih/neprofitnih organizacija ("Službeni glasnik Općine Olovo", broj: 2/23), Budžeta Općine Olovo za 2025 godinu ("Službeni glasnik Općine Olovo", broj: 2/25), Općinski načelnik objavljuje:

**JAVNI POZIV ORGANIZACIJAMA CIVILNOG DRUŠTVA/NEVLADINIM
ORGANIZACIJAMA ZA PREDAJU PRIJEDLOGA PROJEKATA KOJE ĆE
FINANSIRATI/SUFINANSIRATI OPĆINA OLOVO U 2025. GODINI**

Općina Olovo poziva organizacije civilnog društva (OCD) / nevladine organizacije (NVO) da dostave prijedloge projekata koji su u skladu sa razvojnim ciljevima Općine Olovo, iz sljedećih prioritetnih oblasti:

1. Projekti iz oblasti sporta, koji su usmjereni na stvaranje uslova i klime za razvoj i unapređenje sporta na području Općine Olovo (profesionalni, rekreativni, školski, amaterski);
2. Projekti iz oblasti kulture, koji su usmjereni na razvoj i afirmaciju kulturnog i umjetničkog stvaralaštva, projekti koji imaju tradicijsku osnovu i projekti koji doprinose razvoju i uspjehu općeg kulturnog nivoa;
3. Unapređenje socijalne politike, projekti socijalne uključenosti, gender, ljudska prava, prava manjinskih grupa i unapređenje zdravlja stanovništva.

Iznosi sredstava za odobrene projekte će biti od 500,00 KM - 50.000,00 KM (konvertibilnih maraka).

Svi projekti se moraju završiti do 31.12.2025. godine.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrirane OCD i NVO (udruženje/udruga ili fondacija), u skladu sa važećim zakonskim propisima u Bosni i Hercegovini.

Sve zainteresovane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u smjernicama za aplikante u okviru javnog poziva.

PRIJAVNA DOKUMENTACIJA:

Dokumentacija za prijavu na Javni poziv za Općinu Olovo, sve potrebne informacije i elektronska verzija cijelog paketa prijavnice dokumentacije može se naći na web stranici Općine Olovo www.olovo.gov.ba

PREDAJA APLIKACIJA:

Ispunjena aplikacija (sa kompletnom traženom dokumentacijom) se mora dostaviti u zatvorenoj koverti preporučenom poštom ili lično tokom radnih dana (ponedjeljak – petak), u periodu od 08:00 do 14:00 sati, na sljedeću adresu, sa naznakom: „Za javni poziv organizacijama civilnog društva/nevladinim organizacijama“:

Općina Olovo:

Služba za opću upravu i društvene djelatnosti
Branilaca bb,
71340 Olovo
Bosna i Hercegovina

Rok za predaju aplikacija je 10.03.2025. godine, u 14:00 sati. Aplikacije dostavljene nakon navedenog roka biti će razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**.

O primljenoj pošiljci u Općini Olovo će se voditi uredna evidencija i izdavati potvrde o prijemu.

Rezultati o prihvaćenim i odbijenim projektnim prijedlozima svih aplikanta bit će objavljeni, u roku od 30 dana od dana zatvaranja javnog poziva na web stranici Općine Olovo (www.olovo.gov.ba), kao i na oglasnoj ploči Općini Olovo.



OPĆINSKI NAČELNIK

Demal Memagić
Demal Memagić